

ইউও নোট

বিষয় : ন্যাশনাল স্কুল ফিডিং পলিসি (NSFP)-২০১৮ এর খসড়া সর্ব সাধারণের মতামতের জন্য প্রাথমিক শিক্ষা অধিদপ্তরের ওয়েবসাইটে প্রকাশের ব্যবস্থা গ্রহণ।
সূত্র : ৩৮.০১২.০২৯.০০.০০.০৬৫.২০১৩-২৫৩, তারিখ : ১৩-০২-২০১৮।

উপর্যুক্ত বিষয় ও সূত্রে পত্রের প্রেক্ষিতে গত ১৫ নভেম্বর ২০১৭ এবং ০২ জানুয়ারি ২০১৮ তারিখ প্রাথমিক ও গণশিক্ষা মন্ত্রণালয়ের সম্মেলন কক্ষে ন্যাশনাল স্কুল ফিডিং পলিসি(NSFP)- ২০১৭ এর আন্তঃমন্ত্রণালয় কমিটির সভা অনুষ্ঠিত হয়। উক্ত সভায় খসড়া স্কুল ফিডিং নীতি সর্ব সাধারণের মতামতের জন্য প্রাথমিক শিক্ষা অধিদপ্তরের ওয়েবসাইটে প্রকাশের ব্যবস্থা গ্রহণের সিদ্ধান্ত গৃহীত হয়। সিদ্ধান্ত মোতাবেক ব্যবস্থা গ্রহণের জন্য পত্রটি এসঙ্গে প্রেরণ করা হলো।

সংযুক্ত : খসড়া স্কুল ফিডিং নীতি -০৫ পাতা।

মুদ্রণ

মোঃ এনামুল কাদের খান
পরিচালক (পরিকল্পনা ও উন্নয়ন)
ফোন : ৫৫০৭৪৯৩৮।

✓ পরিচালক আইএমডি
প্রাথমিক শিক্ষা অধিদপ্তর।

ইউও নোট : ৩৮.০০.০০০০.১১৭.০১৪.১১.১৫-২২২/২

তারিখ : ২৬ ফাল্গুন ১৪২৪
২৮ ফেব্রুয়ারি ২০১৮

অনুলিপি :

- প্রকল্প পরিচালক, দারিদ্র্য পীড়িত এলাকায় স্কুল ফিডিং প্রকল্প, প্রাথমিক শিক্ষা অধিদপ্তর।
- মহাপরিচালক এর একান্ত সচিব, প্রাথমিক শিক্ষা অধিদপ্তর।
- সংরক্ষণ নথি।

প্রাথমিক শিক্ষা অধিদপ্তর
সিস্টেম ম্যানেজার (আইএমডি) এবং নথি

তারিখ :	২৬
২৮ ফেব্রুয়ারি ২০১৮	
<input checked="" type="checkbox"/> সিমিয়ার সিস্টেম ম্যানেজার (আইএমডি)	
<input type="checkbox"/> সিমিয়ার সিস্টেম ম্যানেজার (স. মাঠ)	
<input type="checkbox"/> সিস্টেম এন্ডেলিন্ট (সিস্টেম-৩)	
<input type="checkbox"/> প্রোগ্রাম-১	
<input type="checkbox"/> মেইনটেনেন্স ইন্জিনিয়ার	
<input type="checkbox"/> প্রোগ্রাম-২	
<input type="checkbox"/> সহঃ প্রোগ্রাম-১	
<input type="checkbox"/> সহঃ প্রোগ্রাম-২	
<input type="checkbox"/> সহঃ মেইনট ইন্ফ্রামিয়ার-১	
<input type="checkbox"/> সহঃ মেইনট ইন্ফ্রামিয়ার-২	

সিস্টেম ম্যানেজার(আইএমডি)

১০/০২/০১

১০/০২/০১

মুখ্য
মন্ত্রণালয়

গণপ্রজাতন্ত্রী বাংলাদেশ সরকার
প্রাথমিক ও গণশিক্ষা মন্ত্রণালয়
বাংলাদেশ সচিবালয়, ঢাকা-১০০০
পরিকল্পনা শাখা-১
www.mopme.gov.bd

স্মারক নং-৩৮.০১২.০২৯.০০.০০.০৬৫.২০১৩-২৫৩

তারিখ: ১৩ ফেব্রুয়ারি ২০১৮ খ্রি:

বিষয়ঃ গত ১৫ নভেম্বর ২০১৭ এবং ০২ জানুয়ারি ২০১৮ তারিখ প্রাথমিক ও গণশিক্ষা মন্ত্রণালয়ের সম্মেলন কক্ষে ন্যাশনাল স্কুল ফিডিং পলিসি (NSFP)-২০১৭ এর খসড়া বিভিন্ন মন্ত্রণালয় ও দপ্তর/অধিদপ্তর এর সাথে শেয়ারিং এর নিমিত্ত গঠিত আন্তঃমন্ত্রণালয় কমিটির সভার সিদ্ধান্ত বাস্তবায়ন প্রসঙ্গে।

উপর্যুক্ত বিষয়ে জানানো যাচ্ছে যে, গত ১৫ নভেম্বর ২০১৭ এবং ০২ জানুয়ারি ২০১৮ তারিখ প্রাথমিক ও গণশিক্ষা মন্ত্রণালয়ের সম্মেলন কক্ষে ন্যাশনাল স্কুল ফিডিং পলিসি (NSFP)-২০১৭ এর খসড়া বিভিন্ন মন্ত্রণালয় ও দপ্তর/অধিদপ্তর এর সাথে শেয়ারিং এর নিমিত্ত গঠিত আন্তঃমন্ত্রণালয় কমিটির সভা অনুষ্ঠিত হয়। উক্ত সভায় নিম্নোক্ত সিদ্ধান্ত গৃহীত হয়ঃ

৩.২ এ সভার সুপারিশকৃত খসড়া স্কুল ফিডিং নীতি ২০১৮ সর্ব সাধারণের মতামতের জন্য প্রাথমিক ও গণশিক্ষা মন্ত্রণালয়ের ওয়েবসাইট ও প্রাথমিক শিক্ষা অধিদপ্তরের ওয়েবসাইটে প্রকাশ করতে হবে।

২। এমতাবস্থায়, খসড়া স্কুল ফিডিং নীতি ২০১৮ সর্ব সাধারণের মতামতের জন্য প্রাথমিক শিক্ষা অধিদপ্তরের ওয়েবসাইট এ প্রকাশ করার প্রয়োজনীয় ব্যবস্থা গ্রহণ করার জন্য নির্দেশক্রমে অনুরোধ করা হলো।

সংযুক্ত: ‘খসড়া স্কুল ফিডিং নীতি ২০১৮’ ০৭ (সাত) পৃষ্ঠায় প্রাথমিক শিক্ষা অধিদপ্তর

পৃষ্ঠায় প্রাথমিক শিক্ষা অধিদপ্তর	
পরিচালক (পঃ ও উঃ)-এর দপ্তর	
প্রাপ্তি নং- তারিখ :	
<input type="checkbox"/> উপ-পরিচালক - ১ <input type="checkbox"/> উপ-পরিচালক - ২ <input type="checkbox"/> সহকারী পরিচালক - ১ <input type="checkbox"/> সহকারী পরিচালক - ২ <input type="checkbox"/> সহকারী পরিচালক - ৩ <input type="checkbox"/> শিক্ষা অফিসার	
 পরিচালক (পরিচালক)	

১৩.০২.১৮
(মোহাম্মদ আবিফুল হক)
সিনিয়র সহকারী প্রধান
ফোন: ৯৫৭৭২৫৬
mopmeplan1@gmail.com

মহাপরিচালক
প্রাথমিক শিক্ষা অধিদপ্তর
মিরপুর-২, ঢাকা।

অনুলিপি:

- প্রকল্প পরিচালক, দারিদ্র্য পীড়িত এলাকায় স্কুল ফিডিং কর্মসূচি, প্রাথমিক শিক্ষা অধিদপ্তর, মিরপুর-২, ঢাকা।
- সচিব মহোদয়ের একান্ত সচিব, প্রাথমিক ও গণশিক্ষা মন্ত্রণালয়, বাংলাদেশ সচিবালয়, ঢাকা।
- অতিরিক্ত সচিব (উন্নয়ন) মহোদয়ের ব্যক্তিগত কর্মকর্তা, প্রাথমিক ও গণশিক্ষা মন্ত্রণালয়, বাংলাদেশ সচিবালয়, ঢাকা।
- উপ-প্রধান মহোদয়ের ব্যক্তিগত কর্মকর্তা, প্রাথমিক ও গণশিক্ষা মন্ত্রণালয়, বাংলাদেশ সচিবালয়, ঢাকা।

প্রাথমিক শিক্ষা অধিদপ্তর মহাপরিচালকের দপ্তর

- তারিখ :
 অভিযোগ প্রয়োজনীয়ক
 পরিচালক (প্রশংসন)
 পরিচালক (ক্ষেত্র ও সংগ্রহ)
 পরিচালক (প্রয়োজনীয় ও সংগ্রহ)
 পরিচালক (স্বেচ্ছাত চাল অনুমতি দেওয়া হবে)
 পরিচালক (স্বেচ্ছাত চাল অনুমতি দেওয়া হবে এবং প্রয়োজনীয় ক্ষেত্র ও সংগ্রহ দেওয়া হবে)
 পরিচালক (স্বেচ্ছাত চাল অনুমতি দেওয়া হবে এবং প্রয়োজনীয় ক্ষেত্র ও সংগ্রহ দেওয়া হবে এবং প্রয়োজনীয় ক্ষেত্র ও সংগ্রহ দেওয়া হবে)

পরিচালকঃ পরিকল্পনাঃ উন্নয়ন বিভাগ

তারিখঃ ১৩/২/১৮

প্রাথমিক শিক্ষা অধিদপ্তর, মিরপুর-২, ঢাকা।

গণপ্রজাতন্ত্রী বাংলাদেশ সরকার

জাতীয় স্কুল ফিডিং নীতি

প্রাথমিক ও গণশিক্ষা মন্ত্রণালয়

[প্রাথমিক ও গণশিক্ষা মন্ত্রণালয় কর্তৃক প্রণীত ধারণাপত্র ও প্রণীতব্য নীতিটির
‘খসড়া প্রণয়ন কমিটি’র আলোচনার ভিত্তিতে এই খসড়া প্রণয়ন করা হয়েছে]

১. ভূমিকা

শিশুর শারীরিক বৃদ্ধি, মানসিক বিকাশ ও অটুট স্বাস্থ্যের জন্য পৃষ্ঠিকর খাদ্য গুরুত্বপূর্ণ ভূমিকা পালন করে। বিদ্যালয় গমনোপযোগী বয়সের শিশুদের এ সকল চাহিদা পূরণ ও শিক্ষার অধিকার প্রতিষ্ঠায় স্কুল ফিডিং কার্যক্রম বিশেষ ভূমিকা রাখতে পারে। এ কার্যক্রম পরিচালনার জন্য একটি স্বয়ং সম্পূর্ণ নীতি থাকা প্রয়োজন। এ প্রয়োজনের নিরিখেই এ নীতিটি প্রণয়নের উদ্দেশ্য গ্রহণ করা হয়েছে। এ নীতিতে বর্ণিত কার্যক্রম বাস্তবায়িত হলে তা মানসমত প্রাথমিক শিক্ষা নিশ্চিতকরণসহ শিক্ষা সহায়ক কার্যক্রমে ইতিবাচক ভূমিকা রাখবে। এ কার্যক্রমে সরকারের পাশাপাশি স্থানীয় জনগণের সম্মততা বৃদ্ধি ও শিক্ষা কার্যক্রমে স্থানীয়দের অবিকর্তৃ ভূমিকা রাখার ক্ষেত্রে সৃষ্টির পাশাপাশি কার্যক্রমটি স্থানীয় অর্থনৈতিকে উজ্জীবিত করায়ও সহায়ক হবে বলে আশা করা যায়। প্রণীত এ নীতির আলোকে স্কুল ফিডিং কার্যক্রম বাস্তবায়িত হলে ‘টেকসই উন্নয়ন লক্ষ্যমাত্রা ২০৩০’ এর শিক্ষা-লক্ষ্য অর্জন ও মধ্যম আয়ের দেশের পথে অগ্রয়াদ্য যোগ হতে পারে নতুন মাত্রা।

১.১ পটভূমি

বাংলাদেশ পৃথিবীর সবচেয়ে জনবহুল ৯টি দেশের একটি। এদেশের প্রতিটি নাগরিক সাংবিধানিকভাবে অন্ন, বস্ত্র, আশ্রয়, শিক্ষা ও চিকিৎসা এবং যুক্তিসংগতভাবে বিশ্বাম, বিনোদন ও অবকাশ ভোগের সমান অধিকারী (সংবিধানের অনুচ্ছেদ-১৫)। একই পদ্ধতির সময়ীয় ও সার্বজনীন শিক্ষা ব্যবস্থা প্রতিষ্ঠা এবং একটি নির্দিষ্ট স্তর পর্যন্ত সকল শিশুর অবৈতনিক ও বাধ্যতামূলক শিক্ষাদানে রাষ্ট্র ও সরকার প্রতিষ্ঠিতবদ্ধ (সংবিধানের অনুচ্ছেদ-১৭)। রাষ্ট্র সাংবিধানিকভাবে জনগণের পৃষ্ঠি ও জনজীবনের উন্নতিসাধনে অংগীকারাবদ্ধ (সংবিধানের অনুচ্ছেদ-১৮)।

স্থায়ীনতা লাভের পর থেকে সরকার এবং উন্নয়ন সহযোগী সংস্থাসমূহ বিভিন্ন সময় বিভিন্ন ভাবে শিক্ষার্থীদের জন্য খাদ্য ও পৃষ্ঠি কার্যক্রম পরিচালনা করে আসছে। সরকার ও বিশ্ব খাদ্য কর্মসূচী যৌথভাবে ২০১১ থেকে শুরু করে স্কুল ফিডিং কর্মসূচিটি বর্তমানে দেশের ১০৪টি উপজেলায় বাস্তবায়ন করছে। এ কর্মসূচির আওতায় সরকারি প্রাথমিক বিদ্যালয়ের ৩২.৩১ লক্ষ ছাত্রছাত্রীকে বিশেষভাবে প্রস্তুতকৃত উচ্চ পুষ্টিমানসম্পন্ন বিস্কুট সরবরাহ করা হচ্ছে। বর্তমানে প্রতি স্কুলদিবসে প্রতিটি শিশুকে উচ্চ পুষ্টিমানসম্পন্ন ৭৫ গ্রাম বিস্কুট সরবরাহ করা হয়। সময়ে সময়ে বিস্কুটের স্বাদের বৈচিত্র্য আনয়নপূর্বক বিস্কুটকে উপাদানে করার উদ্দেশ্য নেয়া হয়েছে। কিছু কিছু বিদ্যালয়ে পরীক্ষামূলকভাবে রান্নাকরা খাবার সরবরাহ করা হচ্ছে। স্কুল ফিডিং কর্মসূচিকে সার্বজনীন করার বিষয়টি সরকারের সক্রিয় বিবেচনাধীন রয়েছে।

১.২ ঘোষিত পদ্ধতি

সরকার পরিচালিত খাদ্য সহায়তা ও পৃষ্ঠি কার্যক্রমে দরিদ্র পরিবার, বিশেষত: নারী ও শিশুরা অগ্রাধিকার পেয়ে থাকে। দেশের মানব সম্পদ উন্নয়নের মূল ভিত্তি হচ্ছে শিশু জনসমষ্টি, যারা প্রাক-প্রাথমিক, প্রাথমিক ও মাধ্যমিক বিদ্যালয়ে অধ্যয়নরত। বর্তমানে প্রাথমিক পর্যায়ের অধিকারী বিদ্যালয় দুই শিফটে চলে। বিদ্যালয়ে কাঞ্চিত শিখন সফলতা অর্জনের লক্ষ্যে শিক্ষার্থীর সাথে শিক্ষকের সাহচর্যের সময় (contact hour) বৃদ্ধির জন্য এক শিফট চালু করা প্রয়োজন। সে ক্ষেত্রে দীর্ঘ সময় শিশুদের বিদ্যালয়ে অবস্থান নিশ্চিত করা ও ক্ষুধা নিবারণের জন্য বিদ্যালয়ে খাবারের ব্যবস্থা করা প্রয়োজন। বিশেষত: দরিদ্র শিশু শিক্ষার্থীদের জন্য তা অত্যন্ত জরুরী।

সরকার বিদ্যালয়ে কাঞ্চিত শিখনফল অর্জন, শতভাগ শিক্ষার্থী ভর্তি, ছেলে-মেয়ের বৈষম্যসহ শিক্ষায় সকল ধরণের বৈষম্য নিরসন, প্রাথমিক শিক্ষার কার্যকারিতা বৃদ্ধি-প্রভৃতির জন্য নানাবিধ কার্যক্রম হাতে নিয়েছে। এসব কার্যক্রমে সরকারের পাশাপাশি উন্নয়ন সহযোগী সংস্থাসহ বিভিন্ন অংশীজন সক্রিয়ভাবে অংশগ্রহণ করছে। এই কর্মসূচির আওতায় গৃহীত পদক্ষেপসমূহের ফলে প্রাক-প্রাথমিক ও প্রাথমিক বিদ্যালয়ে ভর্তি বৃদ্ধি পেয়ে প্রায় শতভাগে উন্নীত হচ্ছে, নীরূপ বিচুতি (silent exclusion) ও ঝরেপড়া (dropout) উল্লেখ যোগ্যভাবে হাস্ত পেয়েছে। শিক্ষক-ছাত্র অনুপাত, শ্রেণিকক্ষ উন্নয়ন, শিক্ষণ-শিখন পদ্ধতির উন্নয়নসহ শিক্ষায় জন অংশগ্রহণ বৃদ্ধি পেয়েছে।

স্কুল ফিডিং কর্মসূচিকে সার্বজনীন করার মাধ্যমে শিক্ষায় সকল ধরণের বৈষম্য নিরসন, শিক্ষার্থীদের জন্য খাদ্য নিরাপত্তা বলয় সৃষ্টি করা এবং শিখনফল অর্জন তুরারিত করার মাধ্যমে জাতীয় উন্নয়নে ব্যাপক ভূমিকা রাখা সম্ভব। টেকসই উন্নয়ন ২০৩০-এর লক্ষ্য অর্জনে বাংলাদেশ অঙ্গীকারাবদ্ধ। এ জন্য স্কুল ফিডিং কর্মসূচিকে অগ্রাধিকার দেওয়া প্রয়োজন। এই কর্মসূচিকে প্রথক প্রকল্প হিসেবে না দেখে জাতীয় শিক্ষা উন্নয়ন কার্যক্রমের মূল পরিকল্পনায় আনা এবং এর সুষ্ঠু বাস্তবায়নের জন্য একটি পৃথক নীতি প্রণয়ন ও প্রয়োজনে আইন প্রণয়নকে সরকার গুরুত্ব সহকারে বিবেচনা করছে। এ জন্যই এ নীতিটি প্রণয়নের উদ্দেশ্য গ্রহণ করা হয়েছে।

১.৩ সক্ষ্য ও উদ্দেশ্য

১.৩.১ সক্ষ্য

- ক. প্রাক-প্রাথমিক ও প্রাথমিক বিদ্যালয় গমনোপযোগী দেশের সকল শিশুকে স্বল্পতম সময়ের মধ্যে পর্যায়ক্রমে স্কুল ফিডিং নীতির আওতায় এনে তাদের শিক্ষা, পৃষ্ঠি, স্বাস্থ্য ও সামাজিক নিরাপত্তায় যথার্থ অবদান রাখা;
- খ. এই কার্যক্রম শিক্ষার গুণগত মান বৃদ্ধিসহ গ্রাম ও শহর, ধনী ও গরিবের মধ্যে ব্যবধান কমিয়ে শিক্ষার মানের পার্থক্য দ্রুতীকরণে সহায় হবে। শিশুদের সাময়িক ক্ষুধা নিবারণ ও পুষ্টি সহায়তার স্থায়ী কর্মসূচি হিসাবে শিশু শিক্ষার্থীদের মেধার উৎকর্ষ সাধন, চিন্তা ও কল্পনা শক্তির বিকাশ, স্তুতিশীলতা ও উৎপাদন সক্ষমতা বৃদ্ধিপূর্বক তাদের দক্ষ ও যোগ্য মানবসম্পদে পরিণত করতে কার্যকর ভূমিকা রাখা।

১.৩.২ উদ্দেশ্য

- ক. দেশের প্রাক-প্রাথমিক ও প্রাথমিক স্তরের সকল শিক্ষার্থীকে বিদ্যালয়ে ভর্তি, উপস্থিতির হার বৃদ্ধি, পাঠে মনোনিবেশ ও বিদ্যালয়ে ধরে রাখা;
- খ. নিরাপদ খাবার পরিবেশন ও স্বাস্থ্যসূক্ষ্মি নিরসনের জন্য খাদ্য নিরাপত্তার প্রয়োগ করা;
- গ. স্কুল চলাকালে শিক্ষার্থী ক্ষুধা নির্বাচিত মাধ্যমে শিক্ষার্থী-শিক্ষক সাহচর্য/সংযোগ সময় বৃদ্ধি করা, যাতে শিক্ষার্থীরা অধিক সময় বিদ্যালয়ে ক্ষুধামুক্ত ও প্রাপ্তব্য অবস্থায় আনন্দঘন ও অনুকূল পরিবেশে শিক্ষা লাভ করতে পারে;
- ঘ. স্থানীয় কমিউনিটিকে সম্পর্ক করে দেশীয় মূল্যবোধ ও খাদ্য-সংস্কৃতি সংরক্ষণপূর্বক স্কুল সময়কালীন শিশুর পুষ্টি* চাহিদা পূরণ এবং স্বাস্থ্যবান, সবল, সক্ষম, মেধাবী জনবল তৈরির মজবুত ভিত্তি গঠন করা।

১.৪ সংজ্ঞা

- ক. সরকার: সরকার বলতে গণপ্রজাতন্ত্রী বাংলাদেশ সরকারকে বুঝাবে।
- খ. মন্ত্রণালয়: মন্ত্রণালয় বলতে প্রাথমিক ও গণশিক্ষা মন্ত্রণালয়কে বুঝাবে।
- গ. বিদ্যালয়: সরকার কর্তৃক অনুমোদিত শিক্ষা প্রদানকারী প্রতিষ্ঠান বুঝাবে।
- ঘ. শিক্ষার্থী: সরকার অনুমোদিত প্রাক-প্রাথমিক ও প্রাথমিক স্তরে অধ্যয়নরত শিশু বুঝাবে।
- ঙ. স্কুল ফিডিং কর্মসূচী: সরকার অনুমোদিত প্রাক-প্রাথমিক ও প্রাথমিক স্তরে অধ্যয়নরত শিক্ষার্থীদের জন্য নির্ধারিত স্কুল ফিডিং কর্মসূচি বুঝাবে।
- চ. পুষ্টিকর খাবার: শিশুর শারীরিক ও মানসিক গঠন, বৃদ্ধি, স্বাস্থ্য ও রোগপ্রতিরোধ ক্ষমতা সংরক্ষণের জন্য প্রয়োজনীয় সুষম খাদ্যের উপাদান সমূক্ষ খাবার বুঝাবে।
- ছ. কর্তৃপক্ষ: সরকার কর্তৃক নির্ধারিত ও ক্ষমতাপ্রাপ্ত কর্তৃপক্ষ বা কর্মকর্তাকে বুঝাবে।
- জ. বার্ষিক উন্নয়ন কর্মসূচি: সরকার অনুমোদিত বছর-ভিত্তিক উন্নয়ন পরিকল্পনা যাতে সরকারের নিজস্ব বিনিয়োগের পাশাপাশি বৈদেশিক অনুদান এবং প্রকল্প সহায়তা অন্তর্ভুক্ত থাকে। এটি প্রতিবছর জুন মাসে চূড়ান্ত করা হয়।
- ঝ. পাবলিক-প্রাইভেট পার্টনারশীপ: এ কর্মসূচীর সাথে সংশ্লিষ্ট সেবা প্রদানের লক্ষ্যে সরকার ও বেসরকারি যে কোন প্রতিষ্ঠানের মধ্যে চুক্তির ভিত্তিতে গড়ে ওঠা অংশীদারিত্ব, যেখানে সরকার এবং চুক্তিকারী প্রতিষ্ঠান তুলনামূলক সুবিধার ভিত্তিতে বিনিয়োগ (investment), র্যাস্কি (risk) ও অর্জনে (reward) শরিক হবে।

২. বিবেচ্য বিষয় ও দিকনির্দেশনা

২.১ প্রাক-প্রাথমিক ও প্রাথমিক স্তরের সকল শিশুর অন্তর্ভুক্তি

এই নীতিতে বাংলাদেশ সরকার অনুমোদিত প্রাক-প্রাথমিক ও প্রাথমিক স্তরে অধ্যয়নরত (বিশেষ চাহিদা সম্পন্ন ও প্রতিবন্ধী শিশুসহ) সকল শিশুকে পর্যায়ক্রমে স্কুল ফিডিং কর্মসূচির আওতায় আনার উপর গুরুত্ব প্রদান করতে হবে। এ লক্ষ্যে বিদ্যালয়ে শিক্ষার্থীর অবস্থানের সময় অনুসারে প্রয়োজনীয় ক্যালরি ও পুষ্টিসমূক্ষ মানসম্পন্ন খাদ্য সরবরাহ নিশ্চিত করার পদক্ষেপ নিতে হবে;

অর্থিক সামর্থ্য বিবেচনায় পর্যায়ক্রমে কর্মসূচির আওতা বৃদ্ধি করে সকল শিশুকে এই কর্মসূচীর আওতায় আনার পদক্ষেপ নিতে হবে। কর্মসূচির আওতা সম্প্রসারণের ক্ষেত্রে খাদ্য ঘটাতি এলাকাসহ আর্থ-সামাজিক ও ভৌগোলিক কারণে অনঘনসর (যেমন দুর্গম চর, হাওর, উপকূলীয় অঞ্চল, পার্বত্য এলাকা, চা-বাগানসহ সকল পিছিয়ে পড়া) এলাকাকে অঞ্চাবিকার দিতে হবে।

* বিদ্যালয়ের ছাত্রদের অপুষ্টি দূর করার লক্ষ্যে বিদ্যালয়ে বিতরণ করা খাবারের পুষ্টি বিশেষজ্ঞবৃন্দ দ্বারা সুপারিশকৃত এবং নীতিমালা বাস্তবায়নের নির্দেশিকায় বর্ণিত পরিমাণ খাদ্য-শক্তি (dietary energy), আমিষ এবং অনুপ্রাপ্তি (micronutrient) সমূক্ষ হবে। সময় সময় বাস্তব অবস্থা, ছাত্রদের পুষ্টির চাহিদা, বাস্তবায়নকারী সংস্থার সমর্থ, বিশেষজ্ঞের সুপারিশ এবং গবেষণার প্রাপ্ত তথ্যের ভিত্তিতে খাদ্যের ধরনে ও পুষ্টি-মানের পরিবর্তন আনা হচ্ছে পারে।

২.২ প্রাথমিক ও গণশিক্ষা মন্ত্রণালয়ের ভূমিকা

বাংলাদেশ স্কুল ফিডিং কর্মসূচি বাস্তবায়নের জন্য প্রাথমিক ও গণশিক্ষা মন্ত্রণালয় সর্বোচ্চ সরকারি কর্তৃপক্ষ হিসেবে দায়িত্ব পালন করবে। শিশুদের স্বাস্থ্য-বুকি নিরসন ও সম্পদের কার্যকর ব্যবহার নিশ্চিত করার জন্য মন্ত্রণালয় কর্তৃক নির্ধারিত কার্যপ্রণালী অনুসরণপূর্বক প্রাথমিক শিক্ষা অধিদপ্তর এই কর্মসূচি বাস্তবায়ন করা হবে।

২.৩ জাতীয় স্কুল ফিডিং কর্মসূচি বাস্তবায়ন কর্তৃপক্ষ

এই কর্মসূচি বাস্তবায়নের জন্য প্রাথমিক শিক্ষা অধিদপ্তরের অধীনে একটি সেল বা ইউনিট গঠন করা হবে। কার্যক্রমের পরিধি সম্প্রসারণে প্রয়োজনবোধে প্রাথমিক ও গণশিক্ষা মন্ত্রণালয়ের অধীনে একটি পৃথক জাতীয় স্কুল ফিডিং কর্মসূচি কর্তৃপক্ষ (National School Feeding Authority -NSFA^{*2}) গঠন করার বিষয়টি বিবেচনা করা যেতে পারে।

২.৩.১ স্কুল ফিডিং উপদেষ্টা কমিটি

সরকার মনোনীত উপযুক্ত ব্যক্তিগতকে নিয়ে কর্মসূচির কর্মবিধি, কার্যকারিতা, অর্থায়ন ও মূল্যায়ন সম্পর্কে পরামর্শদানের জন্য একটি উপদেষ্টা কমিটি গঠন করা যেতে পারে। সেক্ষেত্রে সরকার মনোনীত কোন বিশিষ্ট ব্যক্তির সভাপতিত্বে এই কমিটির সদস্যদের প্রাথমিক ও গণশিক্ষা মন্ত্রণালয় নির্দিষ্ট মেয়াদের জন্য নিয়োগ প্রদান করবে। স্কুল ফিডিং কর্মসূচির প্রধান নির্বাহী এই কমিটির সদস্য সচিব হিসাবে দায়িত্ব পালন করবেন।

২.৩.২ খাদ্য ও পুষ্টি গবেষণা ও উন্নয়ন কেন্দ্র

স্কুল ফিডিং কর্মসূচি সফলভাবে বাস্তবায়নের লক্ষ্যে প্রাথমিক ও গণশিক্ষা মন্ত্রণালয় বিশ্ব খাদ্য কর্মসূচির কারিগরি সহায়তায় বিশেষজ্ঞদের সমন্বয়ে একটি গবেষণা ও উন্নয়ন কেন্দ্র গঠন করতে পারে। এ ধরণের কেন্দ্র গঠন করার ক্ষেত্রে দেশে সুপ্রতিষ্ঠিত প্রতিষ্ঠান (যেমন ঢাকা বিশ্ববিদ্যালয়ের পুষ্টি ও খাদ্য বিজ্ঞান ইনসিটিউট, বাংলাদেশ উন্নয়ন গবেষণা প্রতিষ্ঠান (BIDS^{*3}), বাংলাদেশ কৃষি বিশ্ববিদ্যালয়ের প্রত্নতি) কে সংযুক্ত করা যেতে পারে। এ ধরণের কেন্দ্র প্রতিষ্ঠিত হলে কেন্দ্রের কার্যপরিধি হবে নিম্নরূপ:

- ক. স্কুল ফিডিং কর্মসূচির গবেষণা পরামর্শক হিসাবে কাজ করা এবং এ কর্মসূচি বাস্তবায়নের জন্য গঠিত কর্তৃপক্ষকে উপযুক্ত কারিগরি সেবা প্রদান করা;
- খ. অর্থায়ন, সম্পদের কার্যকর ব্যবহার, কর্মসূচির গুণগত মান রক্ষা ও কর্মসূচির মূল্যায়নে বিশেষ দৃষ্টি দেয়াসহ উচ্চাবনী কর্মপদ্ধতি পরীক্ষা এবং পাইলটিং এর কারিগরি সহায়তা/পরামর্শ প্রদান;
- গ. বিশ্বব্যাপ্তি এ সংক্রান্ত ভালো আনুশীলন/ উন্নত প্রযোগসমূহের রিসোর্স সেন্টার (resource centre) হিসেবে কাজ করা;
- ঘ. স্কুল ফিডিং কর্মসূচির বিভিন্ন দিক নিয়ে গবেষণা করা ও গবেষণালক্ষ ফলাফলের আলোকে চলমান বিদ্যালয় স্কুল ফিডিং কর্মসূচির কারিগরি ব্যবস্থাপনায় সহায়তা প্রদান করা;
- ঙ. স্কুল ফিডিং কর্মসূচির সঙ্গে সম্পর্কিত সংশ্লিষ্ট সকল দপ্তর ও সংস্থাকে প্রয়োজনীয় তথ্য সরবরাহ করা;
- চ. গবেষণালক্ষ ফলাফলের ভিত্তিতে প্রতিবেদন তৈরি ও প্রকাশ করা এবং সংশ্লিষ্ট সকলকে তা অবহিত করা।

৩. স্কুল ফিডিং কর্মসূচির কার্যক্রমের ধরণ ও ব্যবস্থাপনা

৩.১ খাদ্যের ধরণ

স্বাক্ষর্য স্বল্পতম সময়ের মধ্যে সরকার অনুমোদিত কর্মএলাকায় প্রাক-প্রাথমিকসহ প্রাথমিক বিদ্যালয়ে অধ্যয়নরত বাংলাদেশের সকল শিশুকে প্রতি বিদ্যালয়বিসে স্কুল ফিডিং কর্মসূচির আওতায় নির্ধারিত খাবার প্রদান করা হবে। কর্মএলাকা ক্রম-সম্প্রসারণের মাধ্যমে দেশের সকল শিক্ষার্থীকে এ কর্মসূচির আওতায় আনয়নের উদ্যোগ গ্রহণ করতে হবে। সে লক্ষ্যে দেশীয় খাদ্য-সংস্কৃতি ও মূল্যবোধ সংরক্ষণপূর্বক সঠিক পুষ্টিমান নিশ্চিত করে একাধিক খাদ্য তালিকা (food basket) প্রয়োগ করা যেতে পারে। স্বাক্ষর্য খাদ্য তালিকা নিম্নরূপ হতে পারেঃ

ক্রমিক	খাবারের ধরণ	সরবরাহের উৎস
ক.	রান্না করা খাবার পরিবেশন করা (যেমন: ভাত, পিচুরি, ডিম, ডাল, সবজি ইত্যাদি)	গ্রামীণ এলাকায় কমিউনিটিভিতিক এবং শহর এলাকায় উপযুক্ত প্রতিষ্ঠানভিত্তিক সরবরাহকারী
খ.	প্রতিদিন বিদ্যালয় চলাকালীন প্রতিটি শিশুকে উপযুক্ত পরিমাণ পুষ্টিকর বিকুঠি সরবরাহ করা (এক্ষেত্রে সময় সময় বিস্কুটের স্বাদের পরিবর্তনের মাধ্যমে বৈচিত্র আনা যেতে পারে)	নিরবচ্ছিন্ন খাদ্য সরবরাহ এবং খাদ্যের মান নিয়ন্ত্রণে সক্ষম প্রতিষ্ঠানভিত্তিক সরবরাহকারী
গ.	প্রক্রিয়াজাত খাবার পরিবেশন করা (যেমন: পাউরটি, শুকনো ফল, দুধ ইত্যাদি)	স্থানীয় সরবরাহকারী
ঘ.	মৌসুমী ফল (যেমন: কলা, পেয়ারা, আম, আমড়া ইত্যাদি)	স্থানীয় সরবরাহকারী
ঙ.	অন্যান্য	যথাযথ কর্তৃপক্ষ কর্তৃক নির্ধারিত/ অনুমোদিত

*² NSFA= National School Feeding Authority

*³ BIDS= Bangladesh Institute of Development Studies

উপর্যুক্ত তালিকা থেকে বিভিন্ন উপাদান নিয়ে নির্দিষ্ট কর্মপরিকল্পনা অনুযায়ী প্রতি বিদ্যালয়ের জন্য এক বা একাধিক মেনু ব্যবহার করা যেতে পারে। খাদ্যতালিকা তৈরির সময় ভৌগলিক বাস্তবতা (যেমন: চৰ, হাওর ও পাহাড়ী এলাকা) ও মৌসুম (যেমন: বর্ষাকাল, গ্রীষ্মকাল, শীতকাল ইত্যাদি) বিবেচনায় এনে সংশ্লিষ্ট এলাকার স্থানীয় পরিবেশের সঙ্গে সামঞ্জস্যপূর্ণ খাবার পরিবেশন করা সমীচীন। খাবারের ধরন নির্বাচনের ক্ষেত্রে স্বাদ ও রূটি বিবেচনায় সামুদ্রিক ভিত্তিতে খাদ্যতালিকা প্রস্তুত করা যেতে পারে। খাদ্য প্রস্তুতিতে জ্বালানি ব্যবহারের ক্ষেত্রে উত্তিদ ও আবাহাওয়ার উপর বিরুদ্ধ প্রভাব (negative impact) নিরসনের জন্য সামুদ্রিক উপায় ব্যবহার করতে হবে।

৩.২ স্কুল ফিডিং কার্যক্রম ব্যবস্থাপনা

বর্তমানে কেন্দ্রীয়ভাবে চলমান কার্য পদ্ধতির পরিবর্তে ভবিষ্যতে দেশের বিভিন্ন অঞ্চল, পরিবেশ ও প্রয়োজন অনুযায়ী এ কার্যক্রমকে উপজেলা, ইউনিয়ন ও বিদ্যালয় পর্যায়ে বিকেন্দ্রিকণ করার উদ্দেগ গ্রহণ করতে হবে। কর্মসূচির সফল বাস্তবায়নে অংশীজনদের মধ্যে দায়িত্ব বিভাজন, পরম্পরার মধ্যে সমন্বয়, তত্ত্বাবধান, পরিবীক্ষণ এবং মূল্যায়ণ গুরুত্বপূর্ণ। কর্মসূচি ব্যবস্থাপনায় জাতীয়, বিভাগ, জেলা, উপজেলা ও ইউনিয়ন এবং বিদ্যালয় পর্যায়ে বিভিন্ন অংশীজন সম্পৃক্ত হবেন। এ কার্যক্রম ব্যবস্থাপনায় বিভিন্ন অংশীজনের দায়িত্ব নিয়ন্ত্রণঃ

৩.২.১ জাতীয় পর্যায়ে

ক. প্রাথমিক ও গণশিক্ষা মন্ত্রণালয়

প্রাথমিক ও গণশিক্ষা মন্ত্রণালয় জাতীয় স্কুল ফিডিং নীতি প্রণয়ন, পরিমার্জন ও সংশোধনসহ এই নীতি বাস্তবায়ন করবে। এছাড়াও সংশ্লিষ্ট অন্যান্য মন্ত্রণালয়ের সঙ্গে সমন্বয়সহ প্রয়োজনীয় অর্থের সংস্থান ও সরবরাহ করবে এবং নীতি অনুযায়ী কর্মসূচি বাস্তবায়নের প্রয়োজনীয় দিক নির্দেশনা প্রদান করবে।

খ. প্রাথমিক শিক্ষা অধিদপ্তর

বাস্তবায়ন কর্তৃপক্ষ হিসেবে প্রাথমিক শিক্ষা অধিদপ্তর জাতীয় স্কুল ফিডিং নীতি বাস্তবায়নের জন্য মন্ত্রণালয়ের দিকনির্দেশনা অনুযায়ী মাঠ পর্যায়ে দায়িত্ব ও কর্তৃত অর্পণ করে কর্মপরিকল্পনা প্রণয়ন, বাস্তবায়ন, তত্ত্বাবধান ও পরিবীক্ষণের দায়িত্ব পালন করবে।

গ. সংশ্লিষ্ট অন্যান্য মন্ত্রণালয় ও দপ্তর

অর্থ মন্ত্রণালয়, কৃষি মন্ত্রণালয়, পরিকল্পনা মন্ত্রণালয়, স্থানীয় সরকার পঞ্চী উন্নয়ন ও সমবায়, খাদ্য মন্ত্রণালয়, শিল্প মন্ত্রণালয়, বাণিজ্য মন্ত্রণালয়, মহিলা ও শিশুবিষয়ক মন্ত্রণালয় ও স্বাস্থ্য মন্ত্রণালয়সহ সংশ্লিষ্ট মন্ত্রণালয়/বিভাগ ও দপ্তর জাতীয় স্কুল ফিডিং নীতি ২০১৮ বাস্তবায়নের লক্ষ্যে স্ব মন্ত্রণালয়/বিভাগ ও দপ্তরের আওতাধীন বিষয়ে প্রয়োজনীয় সহায়তা প্রদান করবে।

৩.২.২ বিভাগ, জেলা ও উপজেলা পর্যায়

বিভাগ, জেলা ও উপজেলা পর্যায়ে বিদ্যালয় খাদ্য কর্মসূচি বাস্তবায়ন করার জন্য যথাক্রমে উপ-পরিচালক (প্রাথমিক শিক্ষা), জেলা প্রাথমিক শিক্ষা অফিসার, সহকারী পরিচালক, উপানুষ্ঠানিক শিক্ষা ও উপজেলা শিক্ষা অফিসার প্রমুখ সম্পৃক্ত থাকবেন। উপজেলা চেয়ারম্যান এবং উপজেলা নির্বাচী অফিসার স্থানীয় প্রশাসনের অংশ হিসেবে কর্মসূচিতে সম্পৃক্ত থাকবেন।

৩.২.৩ বিদ্যালয় পর্যায়

বিদ্যালয় পর্যায়ে স্কুল ফিডিং কর্মসূচি বাস্তবায়ন করার জন্য বার্ষিক পরিকল্পনা অনুযায়ী ঘোষভাবে দায়িত্ব পালন করবে বিদ্যালয় ব্যবস্থাপনা কমিটি। এ কর্মসূচি বাস্তবায়নে স্থানীয় সরকারের প্রতিনিধিদের অবদান ও ভূমিকাকে গুরুত্ব সহকারে বিবেচনায় নেয়া যেতে পারে। কর্মসূচিকে বিদ্যালয়ভিত্তিক উন্নয়ন পরিকল্পনার সঙ্গে সম্পৃক্ত করার বিষয়টি গুরুত্বসহ বিবেচনা করা সমীচীন। পর্যায়ক্রমে এ কর্মসূচিকে বিদ্যালয়ের মূল ব্যবস্থাপনা কাঠামোর আওতায় আনার পদক্ষেপ নিতে হবে। পাঠদানের মূল কাজকে ব্যাহত না করে শিক্ষকগণ এই কাজের সাথে সম্পৃক্ত হবেন। বিদ্যালয় কর্তৃপক্ষ এ বিষয়ে প্রয়োজনীয় ব্যবস্থা গ্রহণ করবে।

৩.২.৪ অন্যান্য অংশীজন ও আন্তঃসমষ্টয়

উন্নয়ন সহযোগী, সুশীল সমাজের প্রতিনিধি এবং বিভিন্ন ব্যবসায়ী বা পেশাজীবী সংগঠনসহ অন্যান্য অংশীজন স্কুল ফিডিং কর্মসূচির পরিকল্পনা প্রণয়ন, বাস্তবায়ন, অর্থায়ন ও মূল্যায়নে সম্পৃক্ত হতে এবং গুরুত্বপূর্ণ ভূমিকা রাখতে পারেন।

ক. পুষ্টিমান ও নিরাপত্তা নিশ্চিতকরণ ও স্কুল ফিডিং কর্মসূচিতে পুষ্টিবিদ্যুৎ প্রযোজন

বিশ্ব স্বাস্থ্য সংস্থা নির্ধারিত দৈনিক ন্যূনতম পুষ্টিচাহিদা ও বিভিন্ন খাবারের পুষ্টিমান নির্ধারণের জন্য কেন্দ্রীয়, বিভাগ, জেলা পর্যায়ে পুষ্টিবিদ্যুৎ এ কর্মসূচিতে সম্পৃক্ত করা যেতে পারে। প্রক্রিয়াজাত খাবারেও বর্তমানে প্রচলিত পদ্ধতি অনুযায়ী ডিটামিন, মিনারেল প্রিমিয়া মিশনের মাধ্যমে কাঞ্চিত পুষ্টিমান নিশ্চিত করতে হবে।

বিভিন্ন বিশেষজ্ঞের সমষ্টিয়ে কেন্দ্রীয়ভাবে একটি কমিটি গঠন করা যেতে পারে। তাঁদের সুপারিশের ভিত্তিতে বিভিন্ন প্রকার খাদ্যের তালিকা প্রণয়নসহ প্রদেয় খাদ্য প্রস্তুত ও সরবরাহের প্রয়িত কৌশল নির্ধারণ করা যেতে পারে। নিয়মিতভাবে কর্মসূচি পরিবীক্ষণ করতে হবে। খাদ্যের নিরাপত্তার জন্য কর্তৃপক্ষ সময়ে সময়ে প্রয়োজনীয় ব্যবস্থা গ্রহণ করবে।

খ. স্থানীয় সরকার ব্যবস্থার সঙ্গে সম্পৃক্ততা বৃদ্ধি

স্কুল ফিডিং কর্মসূচির সঙ্গে স্থানীয় সরকার ব্যবস্থার সম্পৃক্ততা বাড়ানোর ব্যবস্থা নেয়া যেতে পারে। এ লক্ষ্যে স্থানীয় সরকারের শিক্ষা বিষয়ক কমিটির কার্যকর অংশগ্রহণ নিশ্চিত করার পদক্ষেপ নেয়া যেতে পারে।

গ. স্বাস্থ্য সচেতনতামূলক কার্যক্রম পরিচালনা

নিম্নবর্ণিত বিষয়সমূহ সবক্ষে অভিভাবক ও শিক্ষার্থীদেরকে যথাযথ ধারণা প্রদান ও সচেতনতা বৃদ্ধির লক্ষ্যে বিদ্যালয় বা ক্লাস্টার ভিত্তিতে নিয়মিত এডভোকেসি কার্যক্রম পরিচালনা করা যেতে পারে;

- খাদ্যের পুষ্টিমান ও খাবার গ্রহণের কৌশল;
- বিভিন্ন রোগের টিকা, ভিটামিন 'এ' ট্যাবলেট, কৃমিনাশক ঔষধ, রোগ প্রতিরোধ এবং স্বাস্থ্য সচেতনতা;
- পরিষ্কার পরিচ্ছন্নতা ও নিরাপদ পানি পান;
- শাক সবজি উৎপাদন ও তা খাদ্যতালিকায় অন্তর্ভুক্ত করা।

ঘ. জিও-এনজিও, সিরিও ও অভিভাবকদের কর্মসূচিতে সম্পৃক্তকরণ

স্কুল ফিডিং কর্মসূচির সঙ্গে বেসরকারি ও কমিউনিটি শ্বেচ্ছাসেবী প্রতিষ্ঠান (NGO^{*4}/CBO^{*5}) সমূহের সম্পৃক্ততার মাধ্যমে জিও-এনজিও সহযোগিতার ক্ষেত্রে সম্প্রসারিত করা যেতে পারে। সঠিক পুষ্টি নিশ্চিত করে বিদ্যালয় পর্যায়ে শিশুদের স্বাস্থ্য ও পুষ্টি সচেতনতা সৃষ্টি করার লক্ষ্যে প্রয়োজনীয় তথ্য প্রচারের ব্যবস্থা করা ও বিদ্যালয় খাদ্য কর্মসূচি বাস্তবায়নে মনিটরিং জোরদার করতে হবে। পাশাপাশি কমিউনিটির অংশগ্রহণের অংশ হিসাবে স্কুল ফিডিং কর্মসূচিতে উপযোগিতা ও কার্যকারিতা বিবেচনায় নিয়ে প্রয়োজন অনুযায়ী শিশুদের অভিভাবকদের বিশেষতঃ মায়েদেরকে সম্পৃক্ত করা যেতে পারে।

ঙ. স্থানীয় সমন্বয়

প্রতি জেলা, উপজেলা, ইউনিয়ন ও বিদ্যালয়ের জন্য পরিকল্পনা প্রণয়ন ও বাস্তবায়নে প্রশাসন, প্রাথমিক শিক্ষা প্রশাসন, স্থানীয় সরকার প্রতিষ্ঠানসমূহসহ স্থানীয় গণ্যমান্য ব্যক্তিবর্গকে বিভিন্ন পর্যায়ে স্কুল ফিডিং কর্মসূচির সাথে সম্পৃক্ত করা যেতে পারে।

^{*4} NGO-Non-Government Organizations (বেসরকারী শ্বেচ্ছাসেবী সংস্থা)

^{*5} CBO- Community-Based Organizations (কমিউনিটিভিক সংগঠন)

৪. অর্থায়ন

৪.১ স্কুল ফিডিং কর্মসূচির অর্থায়ন ও সম্ভাব্য বাস্তবিক ব্যয় নির্ধারণ

স্কুল ফিডিং কর্মসূচি বাস্তবায়নের জন্য সরকারি বার্ষিক বরাদ্দ ও অন্যান্য সূত্র থেকে সংগৃহীত অর্থ কর্মসূচির অর্থের উৎস হতে পারে। এ লক্ষ্যে সরকার বাজেট বরাদ্দের পাশাপাশি বার্ষিক ব্যয় প্রাক্কলন ও সম্ভাব্য অর্থের উৎস নির্ধারণ করতে পারে।

৫. নীতি বাস্তবায়নের জন্য কর্মপরিকল্পনা

সরকারি অনুমোদন সাপেক্ষে এই নীতি বাস্তবায়নের জন্য বাস্তব অবস্থা বিবেচনায় রেখে পর্যায়ক্রমে স্কুল ফিডিং কর্মসূচির আওতায় সকল শিশুকে নিয়ে আসার জন্য বিশদ কর্মপরিকল্পনা তৈরি করা যেতে পারে। এলাকা ভিত্তিক বিকেন্দ্রিত কর্মসূচি তৈরি, ব্যবস্থাপনা ও আর্থিক সংস্থারের রূপরেখা ও নির্দেশনা এই কর্মপরিকল্পনায় অন্তর্ভুক্ত করা যেতে পারে। প্রাথমিক ও গণশিক্ষা মন্ত্রণালয় কর্মপরিকল্পনা তৈরিতে নেতৃত্ব দিবে। প্রাথমিক শিক্ষা অধিদপ্তর জাতীয় স্কুল ফিডিং নীতি ২০১৮ বাস্তবায়নের জন্য মন্ত্রণালয়ের দিকনির্দেশনা অনুযায়ী কর্মপরিকল্পনা প্রণয়নের প্রয়োজনীয় ব্যবস্থা গ্রহণ করবে।

৬. কর্মসূচির স্বচ্ছতা ও জনসম্পৃক্ততা

স্কুল ফিডিং কর্মসূচির আওতায় গৃহীত কার্যক্রমে স্বচ্ছতা ও জৰাবদিহিতা নিশ্চিত করার লক্ষ্যে কর্মসূচি বাস্তবায়ন সেল/প্রকল্প প্রধান/সংশ্লিষ্ট কর্তৃপক্ষ প্রতি অর্থ বৎসরে সম্পাদিত কার্যাবলীর বিবরণ সম্বলিত একটি বার্ষিক প্রতিবেদন অর্থ বৎসর শেষ হওয়ার ছয় মাসের মধ্যে প্রণয়ন করবেন। এ বিবরণী যথাযথ কর্তৃপক্ষের নিকট দাখিল করার পাশাপাশি সিটিজেন চার্টার অনুযায়ী প্রাথমিক শিক্ষা অধিদপ্তর এবং প্রাথমিক ও গণশিক্ষা মন্ত্রণালয়ের ওয়েবসাইটে প্রকাশ করা যেতে পারে। স্থানীয়ভাবেও অনুরূপ প্রতিবেদন তৈরি করে জনসাধারণকে অবহিত করা যেতে পারে।

৭. অন্যান্য

৭.১ নীতিমালা পরিবর্তন ও পরিমার্জন

সময় সময় বাস্তব প্রয়োজন ও অবস্থা বিবেচনায় সরকার এই নীতি পরিবর্তন, পরিমার্জন ও বাতিল করতে এবং যুগোপযোগী করার সর্বময় ক্ষমতা সংরক্ষণ করে।

৭.২ আইন, বিধি প্রণয়ন

এই নীতিতে বর্ণিত যে কোন বিষয় বাস্তবায়নের জন্য সরকার প্রয়োজন অনুসারে আইন, বিধি প্রণয়ন করতে পারে।

৮. উপসংহার

উপর্যুক্ত নীতির সুষ্ঠু বাস্তবায়ন বাংলাদেশের শিশুদের শিখন সক্ষমতা বৃদ্ধি ও পুষ্টি ঘটাতি পূরণে গুরুত্বপূর্ণ ভূমিকা পালন করবে। এক্ষেত্রে সরকারের সংশ্লিষ্ট দণ্ডর, উন্নয়ন সহযোগী, সুশীল সমাজ ও আফাহী সকল মহলের সক্রিয় অংশগ্রহণ ও কার্যকর পদক্ষেপ অত্যন্ত গুরুত্বপূর্ণ। সকলের সম্মিলিত প্রয়াস বাংলাদেশের ভবিষ্যৎ প্রজন্মের সক্ষমতা বৃদ্ধিতে এ নীতি গুরুত্বপূর্ণ ও ইতিবাচক ভূমিকা রাখবে। সার্বিক বাস্তবতা বিবেচনায় সরকার পর্যায়ক্রমে দেশের প্রাক-প্রাথমিক ও প্রাথমিক বিদ্যালয়ের সকল শিক্ষার্থীকে স্কুল ফিডিং কার্যক্রমের আওতায় আনার পদক্ষেপ গ্রহণ করবে।

*⁸ PPP-Public-Private Partnership